

## Nupela lo bilong ol sitisen

Long 24 Julai Konstituen Asembli i bin votim ampela nupela lo bilong itisensip. Tingting ilong gavman nau i go lsem:

Ol ausait pipel husat bin stap long PNG i-ap 8-pela yia na i laik kamap sitisen i mas utim laik bilong em bipo long 16 Novemba.

Bihain long independens tu man i mas stap 3-pela yia long kantri bipo em i ken kamap sitisen.

Olgeta lokal pipel na ol hapkas husat i gat tupela lain tumbuna bilong PNG stret, ol bai kamap sitisen long Independens De.

Ol ausaitman i kamap sitisen bai i tambu long tupela samting.

(1) Ol i no ken kamap papa bilong graun inap long 5-pela yia bihain long independens.

(2) Inap 10-pela yia bihain long independens ol i tambu long ranim sampela sampela kain bisnis.

Namba wan lo ya em Mista Thomas Kavali, Minista bilong Graun, i bin kirapim.

Na namba tu lo, em Mista Gavera Rea, Minista bilong Nesanel Developmen i papa bilong en

Mista Iambakey Okuk i laik tambuim ol nupela sitisen long sanap long ileksen bilong Haus ov Asembli o Lokal Gavman Kaunsil. Tasol gavman i vot egens long dispela.



## NAMBA WAN GAVANA JENERAL

*DOKTA JOHN GUISE, K.B.E., LONG INDEPENDENS DE BAI STATIM NUPELA WOK BILONG EM OLSEM GAVANA JENERAL. EM I MAN I MAKIM KWIN INSAIT LONG PAPUA NIUGINI. I OLSEM EM I BRIS NAMEL LONG GAVMAN BILONG YUMI NA KOMONWELT.*

*DOKTA GUISE I BIN KISIM NAMBA OL I KOLIM "SIR" LONG KWIN, TASOL EM I LAIKIM MOA DISPELA NEM "DOKTA". INAP NAU EM I MINISTA BILONG WOK DIDIMAN NA BIPO EM I SPIKA BILONG HAUS OV ASEMBLI.*

*Dokta John Guise i gat 60 krismas; mama i bin karim em long Dogura long Milne Be Distrik. Wanpela tumbuna papa bilong em i waitman, olsem na sampela man i tok em i no bilong PNG tru.*

*Taim em i liklik boi, em i wok long Bipi na i kisim 12 siling long mun wantaim kaikai na haus. Long woa em i mekim wok wailis insait long ami bilong Australia. Bihain em i plisman na sosal welfe ofisa. Em i go inap long saiden mesa.*

*Em i go insait long wok politik long 1961 na i bin stap insait long olgeta Haus ov Asembli bilong PNG inap nau.*

*Em i wanpela hetman bilong Pangu Pati long stat bilong em inap tude.*

*Em i man bilong spot tu na i save tumas long pilai kriket. Em i bilong Engliken Sios. I marit na i gat 9-pela pikinini.*

*Dokta Guise i save tokim 6-pela tok ples na i bin lukim planti arapela kantri.*

## Provinsal gavman aut

Aidia bilong kirapim planti provinsal gavman i dai pinis nau. Ol i bin rausim long nupela konstitusen.

Mista Ebia Olewale, Minista bilong Provinsal Gavman yet, i bin kirap na tok egens long statim ol provinsal gavman long dispela taim. Taim ol i vot long Konstituen Asembli, i gat 59 memba i stap, na 40 i bin vot yes long rausim provinsal gavman, na 19 tasol i egens. Mista Somare tu i bin tok strong long maski nau long statim provinsal gavman.

Tupela lida wantaim i tok em i kostim planti mani tumas long dispela taim long statim provinsal gavman; na kantri i no inap. Bihain long 5 yia samting, yumi ken tingim gen dispela aidia. Nau mobeta yumi lusim.

Ol man tu i wari long planti trabel, i bin kam long Bougainville long dispela provinsal gavman aidia yet.

Mista Olewale i tok em bai kostim moa olsem K15 milien bilong statim ol provinsal gavman. Mobeta yumi wet na lukim sapos yumi gat inap mani. Olgeta yia nau Australia bai katim mani i kam long PNG; bihain long 5 yia, bai em i no givim olgeta. Olsem em i nogut yumi statim planti samting i ken givim planti moa wari long yumi. Yumi wet pastaim.

# PAS I KAM LONG EDITA

Sapos yu gat tok, yu raitim sotpela tasol. Sapos yu raitim longpela, bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela i prinim nem bilong yu tru, orait yu raitim wanpela narapela nem bilong yu.

## TOK BILASIM MERI

Dia Edita.- Nau mi laik sapatim leta bilong brata ya Remi Miamba bilong Wewak. Na mi laik tok, tok bilong yu i tru na i stretpela olgeta.

Yupela ol sampela meri i save tanimtanim gras bilong yupela, na yupela luk olsem ol pusi i lapun tru na sampela gras bilong em i raus pinis. Sampela long yupela i save penim maus na pinga nel bilong yupela na sampela i putim longpela trausis na ol hai hil su na yupela i save woka-baut olsem kuka em i bihainim nambis.

Mipela ol man i save lusim maus gras, dispela i no ol yuropien i soim mipela. Sampela man insait long wol i save putim maus gras. Na dispela em i no kastam bilong ol yuropian tasol.

Long bipo bipo taim yet olgeta man i gat maus gras taim i no bin gat yet resa bled.

Em tasol.

Joe K. Notorn,  
Arawa/Bougainville.

## KRISTEN NA GAVMAN.

Dia Edita.- Ya mi gat wanpela askim long ol bikman bilong Haus ov Asembli. Oltaim mi harim long redio na tu long nius mi i no bin harim wanpela memba i opim maus long ol wari na ol hevi bilong sios. Olsem long olgeta kain Kristen Sios bilong PNG. Mi laik save ating ol memba olgeta i bin pilim tu no ol i gat tingting tasol

long ol wari na hevi bilong gavman tasol?

Sapos stat long ol Kristen Sios i go bak-sait bai olsem wanem long bihain taim? Sapos ol i maus pairap tasol long ol wok na lo bilong gavman bai olsem wanem long kantri? Nogat hap bilong graun.

I moa gut sios na gavman i wok bung na skelim wanem ol hevi tupela i gat. Maski long gavman tasol i go antap na daunim sios na bagarapim kristen bilip bilong ol kristen. Mipela i no komunis knatri na ol memba bilong mipela i sanap tasol long wok bilong gavman.

Husat kristen man na meri i gat kain hevi olsem plis rait i go na bai ol memba i lukim na pilim.

Joseph Shenna  
Madang.

## KAS BILONG OL NES

Dia Edita.- Em hia mi gat wanpela wari mi laik autim nau.

Taim brata bilong mi i kisim bagarap na mi i go was long em long Angau Hospital.

Na mi lukim ol tarangu ol nes ol i mekim gutpela wok bilong ol. Tarangu ol i lukautim ol sikman olsem pikinini bilong ol. Nes na ol sista olsem mama tru bilong karim yumi tru.

Taim ol nes ol ov juti ol wokabaut long rot yupela man i no ken singautim ol long rot. Sapos taim yu kisim bagarap i go long haus sik husat bai lukautim yu.

Mi gat bikpela amamas long ol nes na sista ol i mekim gutpela long sikman na meri. I no nes long Lae tasol i mekim gutpela wok olgeta hap long P.N.G. Olsem na yumi i no ken bagarapim ol nes, em ol i mama bilong yumi. So yu husat man i gat long bekim rait tasol long Wantok nius na bai mi lukim.

Bais Wanguw Chilaumph  
Lae.

## MAUS GRAS PAIRAP

Dia Edita.- Em hia mi laik kam bekim bek pas bilong ol lain yang gels em ol i stap long Wirui, Wewak. Sampela kain tok bilas long mipela ol man olsem long ol we bilong mipela ol man long dres na ol samting olsem. Hia, ol pren traim na ritim gut ol tok na bekim stret ol wanem samting Miamba Remi i bin toktok. I luk olsem brata i tokim yupela long sampela ol meri i bin putim giaman gras, tasol yupela i laik mekim senim mipela ol man olsem mipela save bihainim ol masta na putim longtrausis na longpela han sot na raun long bik san hot tru.

Mi tokim yupela em taim bilong yumi wan wan. Tasol tu em i no pasin bilong ol waitman long bilas olsem yupela bin tok pinis. Em i bilong yumi olgeta man bilong dispela graun.

Mi tokim yupela, yupela ol meri i as bilong kopim ol pasin bilong ol yuropien stret. Em husat i save mekim dispela pasin hia mipela ol man?

Yupela ol meri peinim pinga nil, putim iaring peinim lipstik na pein-

im tupela ai bilong yu pela tu. Man sapos y lukim wanpela PNG mer mekim ol dispela samting, tru tumas bai luk olsem wanpela goril bilong bus.

Ol pren, no ken toki mipela ol man olsem mipela ol man bilong kopi ol pasin bilong ol yuropien. Sapos yupela laik bekim pas bilong Mista Miamba Remi watpo yupela i no laik klost namel bilong em stret, nogut yupela kirap tol yupela ol man. Hia mipela olgeta man mekim wanem long yupela? Tu yupela maus gras. Mi tokim yupela, yupela no gat bisnis tru long toktok long maus gras em i samting bilong mipela.

Sapos yupela i gat wari, o belhat, rait tasol long Wantok bai mi lapun maus gras gen ritim na bekim sapos mi ken.

R.K. Zachary  
B.C.L. Panguna

## MARITIM PLANTI MERI

Dia Edita.- Mi laik autim tingting bilong mi i go long Gavman bilong yumi bilong Papua Niugini. Dispela tingting bilong mi, mi laik toktok, olsem wanem Gavman bilong yumi i no ken putim wanpela lo long ol pipel bilong PNG i save kisim tupela, tripela meri o moa? Bilong wanem mi la mo? Bilong wanem mi laik toktok long dispela samting?

Hia nau mi laik soim sampela samting. Planti taim mi lukim, sindaun bilong dispela kain famili i no klin o stret, pikinini i no gat gutpela bilas. Sapos pikinini bilong namba wan meri i gat 3-pela i save i go

ong skul, na pikinini ilong namba 2 meri 2-ela i go long skul, bai apa i no inap long baim kul fi bilong ol. Tasol ong praimeri skul i oait liklik. Na sapos 1-pela o, 5-pela i go long haikul bai olsem wanem?

Nau kantri bilong yu ni, i redi long kisim [ndependens na olgeta samting i go antap moa. Gavman bilong yumi mas opim ai na putim lo long dispela samting.

Tasol ol kristen sios i gat lo long maritim tu tri meri. Gavman i nas opim ai na lukim, na skelim ol wok bilong dispela kain bilong tupela tripela meri. Plis dispela kain samting mi no painim long wampela ples. Nogat! Mi painim samting olsem 20-40 ples na long sampela hap bilong taun tu.

So em tasol tingting bilong mi.

Benny Semmy  
Torembi/E.S.D.

## RAIT I KAM

Dia Edita.- Mi laik bekim pas bilong susa Annie Apanaguwi.

Susa, yu minim wanem kain tok tru ai? Na yu mekim dispela hap pas bilong yu. Mi ting ating yu laik traim nating, samting i no gat mining na bai ol i ken prinim nem bilong yu na bai yu amamas long em laka?

Lukim yu rait na yu tok tasol olsem yu save ritim ol pasi save toktok planti long olmeri. Yu save yu no givim o poinim aut wanem samting tru long kain toktok olsem na tu yu laik bagarapim nating nem bilong yumi man long i save toktok planti long yupela olmeri. Nau lukim man i no ken rait nating long tingting bilong em na i wankain

long mi. Yu yet yu rait na tok yu wanem man i gat wari rait tasol i kam long Wantok Nius na bai mi ken lukim olsem na em hia liklik hap tok bilong mi, raitim long Wantok na yu ken lukim nau na tingting gut bipo yu mekim ol kain pas i no gat mining. Long wanem i no gat main toktok o as tru bilong hap bilong yu em yu bin mekim.

So em liklik hap wari bilong mi, mi autim nau na yu yet ken lukim olsem yu yet i askim long husat i gat wari i ken rait tasol. Olsem na mi rait sapos yu yet o husat sampela olmeri i ting mi giaman o i ting tok bilong mi i no stret o i gat bel pen long dispela orait rait tasol i go long Wantok bai mi ken lukim. O sapos nogat em hia adres bilong mi:

Leo Bonifas, P.O. Box  
1118 Arawa,  
Bougainville District.



## BOUGAINVILLE BEKIM ENGA

Dia Edita.- Mi laik bekim leta bilong C. Kandamain bilong Wabag, (Enga Distrik).

Em i bin mekim sampela toktok hambak long Wantok Pepa bilong Trinde, 25 Jun, 1975.

Yes mi bin ritim leta bilong yu na mi no bin amamas long en.

1) Yu bin tok olsem yu no laik lukim Bougainville. Ol i save sindaun nating na toktok traim oltaim.

Hia nau em wampela ansa bilong mi. Olsem

wanem yupela ol Wabag i save givim ol Bougainville long kaikai o Bougainville i kaikai long en. Sapos yu no wari long Bougainville, yu mas stap na harim tasol. Samting bilong askim tasol.

2) Narapela toktok bilong yu, yu bin toktok long K50 milien. Hia nau liklik bekim bilong mi long yu.

Long tingting bilong yu em i ting olsem dispela mani em i bikpela mani. Yu tingting hamas mani Bougainville Kopa em i save givim long Sentral Gavman. Dispela K50 milien em i no bikpela mani mi ken givim yu long en.

3) Yu bin tok bai yu kikim as bilong ol Bougainville. Plis mi laik bai yu kam na kisim as bilong mipela. Ating yu save wari wari long mani. Tu yu bin tok olsem samting bai mipela i wokim mani long en.

Plis yu mas kam na i sindaun long ofis bilong ol bikman bilong Bougainville na lukim ol wok. Nogut yu stap longwe na toktok tasol.

Ating yu no bin tingting pastaim na yu bin rait. Yu bin tingting long ples bilong yu.

Yes mi bilong Bougainville. Na mi bin kisim Wantok na mi bin ritim. Tenkyu.

Mi bilong Bougainville.

# TU MINIT TINGTING

## T E N K Y U

"Yupela i mas tenkyu long God long olgeta samting, long Krai Jisas. God i laikim yupela i mekim olsem." (1 Tes. 5: 18)

Tingim na tenkim, tupela tok i kraikain. Tupela i mas stap wantaim. Tasol..... Husat i save ting long dispela samting: olgeta samting yu gat, yu bin kisim long han bilong God tasol. I no kamap nating. I laik bilong God, yu gat gutpela taim, gutpela wok, gutpela kantri, gutpela kaikai, gutpela sindaun, gutpela gavman, gutpela gaden, gutpela taim, gutpela skul, gutpela lotu.

Olsem wanem na yu no aipas; yu no gat sik lepra; yu no gat hangre; yu no kalabus; yu no lek nogut; yu no bagarap; yu no gat wampela han tasol; yu no indai pinis. Olsem wanem? Yu ting em i asua bilong yu? Giaman bilong yu. God tasol i mekim. Laik bilong em, em i ken tekewe tu. Na yu no gat tok.

Wataim yu save tenkyu long em long ol dispela samting? Man i tingim em, i save tenkim em. Na yu?

Sapos wampela man nating i mekim gut long yu, yu save tenkyu long em. Sapos nogat, yu save sem. Na yu no tenkim God, na yu no sem tu. Olsem wanem?

Pol i tok: "Oltaim mipela i save tok tenkyu long God" (1 Tes. 2:13). I tru, o nogat?

Yumi no save lusim ting kwiktaim long man o meri i save tenkyu long mipela. Ating God i wankain.

Tumora God i ken tekewe olgeta samting; yu ken indai. Na yu i no gat tok.

Tenkyu, God, long dispela tude.

# Divelopmen Beng helpim bus somil

Divelopmen Beng i bin helpim wangepela grup long Lumi long kirapim nupela somil.

Nem bilong grup hia em Wapei Indastri Sosaiti. Ol i bin i gat sampela wari long taim ol i bin baim nupela somil long kisim ples bilong olupela somil. Dispela somil i kostim K8,059 olsem na sosaiti i bin kisim dinau mani inap long K4,000.

Menesa bilong Wapei Sosaiti, Mista Alphonse Togo, i tok somil ya i olupela tumas na tu i stap long graun i antap, olsem na ol i laik wokim long nupela ples. Dispela bai mekim moa isi long karim timba i go i kam. Na tu dispela somil bai bringim moa winmani long wanem masim bai katim planti moa timba bilong salim.

Long sampela yia i go pinis sosaiti i bin kirap na Katolik Misin yet i bin helpim Mista Togo long i go mekim kos bilong bisnis long Yunivesiti bilong Teknoloji long Lae. Misin bai helpim dispela sosaiti yet long nau tu.



## LUKIM GUT

Long nait yumi save harim ol grasop ol i singsing long tok ples bilong ol yet.

Hia long poto yumi lukim tupela poroman ya i paitim gita bilong ol grasop na mekim musik i kamap.

Mipela i bin poto long ol, tasol tupela poto i kamap narakain liklik.

Ol boi na meri bilong WANTOK i bin painim 10-pela sating i narakain long tupela poto; yu inap painim tu?

## Taur pretim masalai

Bipo tru i gat wanpela boi wantaim susa bilong em. Tupela i tap long wanpela liklik haus klostu long ara.

Wanpela taim paiawut ilong tupela i pinis a susa bilong em i tok em, mitupela go na rukim paiawut. Olsem a tupela i kisim naip antaim akis na tupela utim long kanu. Na tu-ela kisim pul na tupe- a i pul i go.

Tupela i go sua long anpela ailan na boi ya laik pul na pul i pas ong diwai na wara i apsait long kanu. Ol- em na susa bilong en i irap paitim brata bi- long em long pul. Dis- pela boi ya i lusim pul long kanu na em i swim go long ailan. Em i go kamap pinis, na em i go antap na em wok long lukluk long susa bilong em i pul i go.

Orait susa bilong em go sua pinis na em i pasim kanda bilong kanu na em i kisim naip wan- taim akis na em i go antap na i go brukim paiawut. Tasol em i no lukim brata bilong em i nait long diwai na em i lukluk long susa bilong em i no long taim pinis, wanpela masalai i harim pairap na em i kisim bikpela limbum i go. Na em i lukim meri ya i brukim paiawut olsem na masalai i kam klostu na em i pasim meri long limbum.

Taim liklik brata bi- long em i lukim dispela em i kra i isi isi, nogut masalai i harim na em bai pasim olsem em i bin mekim long susa bi- long em. Dispela masalai i karim meri i go na brata bilong dispela meri tu i wok long hait long masalai i kam. Bi- hain masalai i kamap



## stori bilong tumbuna

long ples na em i tokim ol man bai mipela i gat bikpela singsing long dispela meri.

Liklik brata ya i kam long ples na bihain long wan wik em i kirap na i go. Em i kamap long ples bilong masalai na em i tanim olsem pa-

lai na em i go insait long haus na em i lukim susa bilong em.

Na susa bilong em i tokim em bilong wanem yu kam? Nogut ol i kilim yu wantaim. Na brata bilong em i tok mi han- gre na mi kam! Orait susa bilong em i givim

wanpela plet kaikai long brata bilong em.

Bihain em i kaikai pinis em i askim susa bilong em long wanem de tru ol bai kilim yu na ol bai kaikaim yu? Na susa bilong em i tok. Ol bai kilimmi long Fonde. (lukim moa long pes 6)

## Morobe Kaunsil salim ripot

Em hia ol sampela ni-  
us em Morobe Lokal Gav-  
man Kaunsil i bin salim  
i kam long mipela hia.

Long las yia kuansil  
i tingting long kisim  
K5,000 olgeta long  
kaunsil takis tasol no-  
gat ol i no kisim stret  
dispela mani. Kaunsil i  
bin kisim K3,600 tasol,  
na i sot long K1,400.

Em hia ol projek o ol  
wok Morobe Lokal Gavman  
Kaunsil na Gavman wan-  
taim helpim i kam long  
Rural Impruvmen Progrem  
em ol i bin mekim long  
yia i go pinis.

Wokim Morobe Pis Fri-  
sa, helt senta, Maiam  
na Zare Angisi dabol  
klasrum, na wokim wan-  
pela klasrum long Moro-  
be Praimeri Skul, wokim  
wanpela pam wara long  
Gori, wokim 4-pela et-  
pos long Pema, Bau,  
Paewa, na Zare Aingsi.

Kaunsil i bin yusim  
moa long K18,000 olgeta  
long helpim ol pipel.

Na long dispela yia,  
bai kaunsil hia i kisim  
K17,500 olgeta i kam  
long Sentral Gavman  
long Rural Impruvmen  
Progrem na bai ol i  
yusim dispela mani long  
mekim ol dispela wok ya:

Wokim wanpela haus  
karim bilong ol mama  
long Morobe Stesin, na  
Zaka Haus Sik, wokim  
wanpela dabol klasrum  
long Kui Praimeri Skul,  
baim sampela waia bi-  
long wokim banis pik na  
4-pela kopi masin na  
wanpela bokis ais bi-  
long putim ol pis, na  
wokim sampela tang wara  
long Morobe Helt Senta.

Long narapela yia bai  
Morobe Lokal Gavman  
Kaunsil i yusim K19,000  
olgeta long mekim ol  
kain kain wok insait  
long hap bilong en. Na  
long kaunsil takis ta-  
sol, kaunsil bai kisim  
K3,600 long neks yia.

## Ol redi nau long independens



\* Hia yumi lukim ol meri bilong Kavari Vokesenel  
Trening Senta i redim klos ya tapa bilong samap.



\* Nau yumi lukim Mis Vali Patu i stretim ol hap  
klos tapa; em bilong redi long samapim ol nau.

Faipela yangpela meri bilong Kavari Vokesenel  
Trening Senta long Port Moresby i wok nau long  
samapim klos bilong soim long Independens De Se-  
lebresen.

Ol i bin wokim dispela klos long tapa na kan-  
vas na Independens De Selebresen Komiti yet i  
bin bringim dispela tapa long Wanigela long hap  
bilong Noten Distrik i gat samting olsem 100 ol-  
geta na wanpela wanpela hap i kostim K6. Ol hap  
hap nabaut em ol i no bin yusim long en bai ol i  
givim long ol man bilong ol arapela kantri long  
taim bilong Selebresen.

Mis Vali Patu i save tis long pasin bilong sa-  
mapim klos, kukim kaikai na ol arapela wok bi-  
long ol meri stret long skul hia, na tu em yet i  
stap bos long dispela hap. Nau wok i isi tasol  
bihain bai i hat moa.

Mis Patu i tok em i gutpela long ol meri i sa-  
mapim klos long han, olsem tasol bai ol inap long  
samapim gut tru.

ATING YU SAVE: Long dis-  
pela mun bai Mista Art  
hur Gaso, na Mista Tin-  
othy Tobagani, i go r-  
stadi long wok bilong  
lokal gavman long Gre-  
Britten na Netherlen,  
nap long 8-pela wik.

Mista Gaso em i Prir-  
sipal Trening Ofisa, na  
Mista Tobagani em i nan-  
ba tu Lokal Gavman Ofi-  
sa. Tupela i wok wantai  
Sentral Distrik Kaunsil

## TAUR PRETIM MASALA (i kam long pes 5)


Olsem na brata bilong  
em i lusim em na em  
go sindaun long as bi-  
long diwai na em i wokir  
wanpela taur. Em i wokir  
pinis na em go slip long  
kil bilong diwai. Tulait  
i kamap na dispela mar-  
ya i wok long traim traim  
taur bilong em, olsem  
tasol na tudak i kam.

Na ol masalai i kirap  
mekim singsing. Ol i  
hangamapim buai long  
diwai olsem na manki ya  
i flai olsem pisin na  
em i sindaun long diwai  
na em i wok long kaikai  
buai na em i spet i go  
daun long ol masalai.

Tulait i kam na dis-  
pela liklik manki i  
flai i go long diwai  
wantaim taur olsem na  
em i lukluk long wanem  
taim bai ol i kilim  
susa bilong em. Na bi-  
hain em i lukim ol i  
kisim spia na akis na  
naip i redi long katim  
nek bilong meri. Na  
wanpela masalai i kar-  
im dispela meri i kam  
na putim em long graun.

Ol i lusim rop long  
hap bilong em na ol i  
redi nau long katim  
nek bilong meri. Tasol  
brata bilong em i kir-  
ap winim taur na guria  
i kamap. Olsem na ol-  
geta masalai i ran i  
go long bus. Brata bi-  
long em i ran i kam na  
i holim em long han na  
tupela i ran i go bek  
longples bilong tupela.

Anton Waino  
Ramu Riva.




lukluk i go daun long ol meri olsem ol samting ating tasol.

Tasol, man i save ting em i go asua tru bilong man yet long wanem, tredisen o pasin bilong tumbuna i save mekim ol meri i stap aninit long em.

Long taim bilong tumbuna long olgeta hap grauneri i no save mekim ol bikpela wok olsem wokim aus, bris, katim bus, na kliarim ples bilong wokim gaden o i go long pait wantaim ol birua amting. Nogat! Dispela kain wok em i bilong man asol.

Wok bilong meri long dispela taim em long lukautim ol pikinini. Na i no save kros pait long wanem kain wok ol laik mekim. Ol i no save i go sanap long ai bilong planti man olsem ol i save mekim nau na i toktok resis long wanem samting. Nogat tru. Ol i save sindaun tasol long haus na lukim kaikai o lukautim pikinini.

Ol dispela pasin bilong tumbuna i bin bihainim sindaun bilong manmeri i kam inap nau. Long dispela taim planti meri i go insait long ol bikpela skul, ol i lainim planti samting na lukim pasin na i no stret. Na ol i tok nau long dispela taim ol inap mekim olgeta samting ol man inap long mekim. Na olsem meri i mas poromanim man long olgeta samting.



Na em i tru. Planti samting tru em ol meri inap mekim nau long wanem i no olsem taim bilong tumbuna bai ol pipel itaitim masel tru long wok bilong ol. Edukesen na masin i helpim man long mekim ol hatpela wok na em meri tu inap mekim.

Tasol, PNG em i wanpela bilong ol kantri long wold i wok long brukim ol dispela pasin bilong tumbuna.

Tru, PNG i nupela kantri long ol pasin bilong waitman tasol em i bin winim planti narapela kantri long i go klostu na lukluk i go insait long wari o laik bilong ol meri na traime long helpim ol.

Long wanpela kibung bilong ol meri long Port Moresby, Namba Wan Minista, Mista Somare i tok olsem: Long 1967, pati bilong em, Pangu Pati i laikim ol meri bai i kisim wankain pe olsem ol man sapos ol i mekim wankain wok long gavman. Tasol, gavman bilong Australia i no bin laikim dispela aida. Na long taim Somare na lain bilong em i kisim gavman, ol i bin tok orait long ol meri i mas kisim wankain pe, olsem ol man.


Na tu Namba Wan Minista, Mista Somare i bin makim wanpela meri bilong tokim gavman wari o laik bilong ol meri yet. Dispela ol i kolim edvaise long samting bilong ol meri.

Namba seven long 8-pela rot bilong developim

PNG na tu insait long ol as lo bilong dispela kantri gavman i tok klia na putim lo olsem ol PNG meri i mas poroman wantaim man long mekim dispela kantri i go het. Em i min olsem meri i mas mekim ol wok i wankain olsem ol man. Ol i mas i go insait long olkain bikpela wok bilong gavman na bisnis na wantaim man long olgeta pasin bilong sindaun.

Bilong mekim ol wok bilong meri i go het gavman i bin givim ol planti mani. Long dispela yia gavman i bin givim ol moa long K3500 na sampela long dispela mani ol i bin yusim long salim deliget bilong ol i go long Meksiko.

Bipo long 3-pela yia i go pinis PNG i no bin i gat ol meri olsem: Mis Josephine Abaijah, Mis R. Kekedo, Mis Meg Taylor, Misis Dibura Maro, Misis Tamo Diro, Misis Rosa Tokiel, Misis Kila Amini o Misis Darwa Lynch bilong Pablik Sevis Bot.



Tasol, nau yumi lukim ol dispela meri i holim ol bikpela wok bilong gavman, wok politik na ol narapela bikpela samting long kantri. Ol dispela lain i gat pawa long tokim gavman wanem samting em ol i laikim long en. Na gavman inap long bihainim laik bilong ol.

Dispela em i bikpela senis tru long PNG. Man, long taim bilong tumbuna long planti hap bilong dispela kantri, meri i no save sanap bipo o namel bilong ol man na toktok hat o mekim ol bihainim em. Nogat tru. Sapos meri i toktok planti, man i save solapim em na rabisim em nogut tru.

Namba bilong ol meri long ol samting olsem, edukesen, bisnis, memba long ol klap na asosiesen i wok long i go antap. Na wok bilong ol i go strong tu.



Edvaise o meri i save tokim gavman o namba wan minista olkain tingting o samting bilong ol meri, Misis Tamo Diro i bin tokim ol meri na Namba Wan Minista long wanpela miting long Port Moresby olsem: Em laikim long 10-pela yia bihain bai dipatmen bilong Namba Wan Minista i mas pulap wantaim ol meri tasol.

Na Misis Darwa Lynch i tok, bipo gavman bilong Australia i no save mekim ol meri go insait long ol bikpela wok bilong gavman o bisnis long wanem dispela em i no pasin bilong tumbuna bilong PNG.


Tasol, em i tok, nau PNG gavman yet i wok long brukim ol dispela pasin bilong tumbuna long wanem meri bilong dispela kantri i mas sanap bilong karim hevi long developim kantri. Na planti meri i amamas tu.

Misis Lynch em i namba wan meri bilong makim ol meri long Pablik Sevis Bot. Na em wok wantaim tupela man tasol bilong lukautim ol pipel insait long pablik sevis.






# 1975 YIA BILONG OL MERI



\* Long poto antap ol meri bilong Afrika i makim kantri bilong ol long Yunaitet Nesens long Amerika. Yunaitet Nesens em i bikpela samting tru long graun na olsem ol meri i holim bikpela wok tru.



Dispela mak long lephan em i ma bilong ol meri long 1975. Yu kei lukim wanpela balus na insait gat wanpela kruse. Balus em i mi bel isi; kruse i mak bilong meri. Olsem: meri bai bringim bel isi.

Klostu 500 lokal Sister i givim laip bilong ol long helpim olkain pipel bilong PNG.



Dispela yia, 1975, em ol i kolim yia bilong ol meri long wanem long dispela yia, ol meri lon, planti kantri long wold i wok long toktok stron; tru na pait hat long kisim wankain, edukesen, wok nem, pe na ol narapela samting olsem wantaim man

Ol i laik i go insait long mekim ol kain kair long ol bikpela wok gavman, bisnis na ol narapela bikpela samting i save kamap insait long ples, kantri o long wold. Long liklik taim i go pinis, samting olsem 1300 meri bilong 133 kantri holim bikpela konferens o kibung long Meksiko, klostu long Amerika. Na ol i bin lusim tupela wik olgeta bilong mekim toktok resis long ol wari bilong ol.

Misis Ikini Holloway i bin makim ol meri bilong PNG long dispela miting na i bin autim wari na laik bilong ol meri bilong PNG. Ol i tok ol inap tru

Ol i laik i go insait long mekim ol kain kair wok na samting em ol mar i save mekim. Ol meri tu i gat strong, gutpela tingting na save olsem man. Na olsem ol i no sot long wanem samting bilong mekim ol wok o resis wantaim man.


Tasol, bikos ol man tasol i stap long gavman, bisnis, ronim ol bikpela dipatmen, ol Yunivesiti na narapela ol bikpela samting long ples, kantri na wold, ol i save pasin rot wantaim ol kain kain lo long ol meri i no ken i go insait long ol dispela samting. Ol i tok ol man i mekim ol dispela kain pasin long wanem ol i save

(moa long pes 10.)





\* Long poto antap hia, yu lukim sampela meri Hailans. Ol i stap yet long ol pasin bilong tumbuna stret. Sapos ol i bin i gat rot bilong senis ol inap tu long senis. Tasol nau?



Daunbilo: Mis Josephine Abaijah. Sentral Rijonal. Namba wan PNG meri bilong palamen. Lida bilong Papua Besena. I gat olkain bikpela edukesen na save. Pipel i save pret long tok bilong em o bihainim maus bilong em.

Misis Veronika Somare. Namba Wan Meri bilong PNG. ong poto antap, Misis Somare na pikinini meri Dalsia.

Daunbilo: Meri skul tisa hia, i lainim ol pikinini ong yusim redio long harim nius long skul.





Dispela poto i soim Leptenan Kenel, Kwago Guria bilong Kalo viles long Rigo sab distrik, Sentral Distrik.

Em bai i kamap Kenel long Oktoba 1 na bai i bosim ol man bilong Difens Fos yet.

Bihain long pinisim ol haikul bilong em long Australia. Em i bin i go skul long Portsea klostu long Melbourne, na kamap ofisa long yia 1965.

Kenel Guria i bin wok long Goldie na Igam Bareks na nau em i stap long Murray Bareks.

## Famili plening kos

Long namba 23 Jun ol Katekis bilong Joseph-staal i bin stap long Famili Plening Kos inap wan wik.

Kos hia bilong ol katekis na meri bilong ol. Na tu ol arapela katolik maritman na meri wantaim. Kos i bilong save long wanem samting bai papamama i mekim na redim long bihaintaim insait long famili bilong tupela yet.

Sista Mario bilong Port Moresby i givim na tu Mis Denis bilong Ma-

dang i wok long helpim em na tu lain long em yet bai raun long ol hap bilong Madang daio-sis taim Sista Mario i go bek long Moresby.

Ol katekis i amamas tru long gutpela skul em Sista Mario i givim ol. Na long Fraide 27 Jun ol katekis yet i mekim Lotu Komunio. Bihain long Lotu Komunio ol katekis i go sekan long Sista Mario na praisim em long tupela plet diwai na plet tumbuna. Em tasol.

## Painim gen K50,000 i lus pinis

Taim gavman i salim nupela mani i kam long ol beng long Desemba, wanpela bek i gat K50,000 i bin go lus. Ol plisman i bin lukaut gut tru na i bin painim tupela man ol i kot nau long stilim dispela bikpela mani.

Tupela man hia: Sarepe Kamue na Jack Susufa Siani - tupela wantaim bilong liklik ples Liorufa long Isten Hailans. Ol witnes i tok Sarepe i wok olsem draiva bilong Pi en Ti na i bin kisim ol bek mail i mas go long Goroka.



Poto antap hia i so: wanpela bikman bilong PNG Difens Fos; Leptenan Kenel, Ken Noga bilong Saroa viles, long Rigo sab distrik, Sentral Distrik.

Em bai i go antap osem Kenel long Ogas na bai i bosim ol bikpela wok Difens Fos save mekim.

Bihain long pinisim haikul bilong em, em bin i go long Ami ofis training skul long Australia na kamap ofis long yia 1964.

Na em i bosim long Taurama Bareks.

## Yunaitet Sios helpim museum



Mista G. Mosuwadoga

Wanpela lain lotu ol i kolim Yunaitet Sios Losuia, long Trobriand Ailan, i bin kisim 626 dinau kaving long ol pipel bilong dispela

ailan na givim long tupela bikpela Museum, o haus kaving long Port Moresby. Ol lain hia i bin bungim ol dispela 626 kaving long dispela ailan long planti yia bipo.

Em hia nem bilong ol sampela: supsup, stik o sped bilong digim graun ol kain kain tuls o ol samting bilong wok, ol haus, ol liklik kanu na bot, ol wel bilong putim long kaving, na ol arapela samting, ol mambu bilong pulimapim kambang, wantaim ol stik bilong kaikai buai ol pot o sospen, ol basket bilong putim ol kaikai, na ol kain kain kambang bilong tumbuna, na planti arapela tu.

Dairekta bilong Museum Mista Mosuwadoga, na Mista Smidt i go pinis long dispela ailan.

# SINGER

\*A Trademark of The Singer Company



## PREN BILONG YU INAP OLTAIM



**DIVELOPMEN SENTA LONG WAIGANI LONG PORT MORESBY**

na i gutpela tru long trenim ol yangpela boi i  
 inap go moa long skul, long kamap olsem gut-  
 pela bisnisan long mekim Papua Niugini go het.  
 Nau dispela senta i gat ol sampela studen i  
 ave lainim pasin bilong wokim sospen, na olkain

samting long plang o timba, na tu, ol i save  
 painimautim ol nupela pasin bilong wok bisnis.

Mista Tonoi Morea bilong ples Vailala long  
 Galf Distrik i bin wok 5-pela yia pinis long  
 dispela senta na liklik taim bai em i kirapim  
 nupela bisnis bilong em yet long ples Tokarara,  
 long Port Moresby. Bipo em i bin tren inap 3 mun  
 long Brisbane long Australia, na tu, em i wanpe-  
 la namba wan man long kirapim dispela kain bis-  
 nis insait long kantri bilong yumi.

I gat 5-pela arapela man bilong Kainantu long  
 Isten Hailans Distrik, na wanpela bilong Madang,  
 i kirapim pinis dispela bisnis. Ol ofisa bilong  
 senta hia i wok nau long painim we bilong wokim  
 samting bilong putim long lek, wokim raba, wokim  
 skin kokonas, bisnis bilong wok kanda na timba,  
 em ol i ting, bambai i helpim ol lokal bisnisan.



# WANPELA KAIKAI INAP LONG OL MAN

## -maski mit

Dispela KRAFT sis ya, olgeta  
 pikinini na bikpela manmeri tu i  
 laikim tru. Em i swit moa long ol.

Dispela KRAFT sis i wankain olsem  
 mit. Tasol em i no dia tumas. Yu  
 ken tanim KRAFT sis i go insait  
 long olkain kaikai na em bai kamap  
 gut tru.

KRAFT sis yu ken baim long olkain  
 bikpela o liklik karamap, long  
 laik bilong yu yet.

**KRAFT** i min nambawan kaikai

4231

## Nupela balus kampani

Minista bilong Bisnis em Mista Boyamo Sali i amamas long nupela balus kampani i bin stat bilong flai namel long Morobe na Noten Distrik. Papa bilong dispela nupela elain em: Namasu na Menlen Maketing Kop-rativ.

Mista Boyamo Sali i tok em i gut long helpim ol pipel i stap insait long bus, bambai ol i ken karim ol samting bilong ol i go na long salim long ol maket i stap insait long ol biktaun. Na tu, bai balus i ken bringim olkain samting bilong salim long ol tret stua.



## NIUS BILONG OL WOKMAN

Tupela meri makim PNG woka yunik

Mis Rose Kekedo (Presiden bilong Tisa Asosiesen) na Mis Nasan Eliab (Komiti memba bilong Rabaul Woka Asosiesen) i bin makim PNG Yunion long Intenesenel Leif Oganaisesen (I.L.O.) Konprensi ol i bin holim long Jeneva, lor Switzerland. Ol i bin stap lor dispela konprensi long namba 2 ol i go inap long namba 13 de bilong mun Jun.

Ol arapela pipel em ol i stap insait wantaim dispela lain pipe em long Mista Gavera Rea, Minista bilong Nesenel Developmen, Mista Henry Aitsi bilong Dipatmen bilong Leba na Industri, Mista Tana Nana bilong Emploia na Mista Francis Irere bilong Biro (Industri) Oganaisesen. Ol pipe bilong moa long 100 kantri i bikamap long dispela Konprensi.

### Wabag yunion stat

Ol woka long Wabag i bin holi wanpela miting long Laima Kla long 25 de bilong Jun long tolong kamapim wanpela woka Yunion long Enga Distrik.

Ol man long dispela miting bin tok olsem ol bai toktok long ol wokman long Wapenamanda na Wabag long dispela tingting long statim yunion na bihain bai ol holim arapela miting gen na baaskim wanpela ofisa bilong Biru long helpim ol long statim yunion. Husat woka long hap bilong Enga i laik join long yunion orait: ken toktok long Mista Reparin Apupun long Sab Distrik ofis long Wabag o Mista NESAR Maso long Edukesen ofis.

### Rabaul bisnis go het moa

Rabaul eria i gat 15 sosaiti i stap insait long Sevings en Lon. Ol i gat 18,227 memba bilong ol na i bosim olkain wok na kampani inap long K3,043,373.

Kabakaba Sosaiti i bin bain Tavakundum plantasin long K50,000

**Wantok...  
Yu laik go we?  
Yu laik go mekim wanem?  
Yu laik go long malolo?  
Yu laik go lukim ples  
na papamama?  
Yu laik go long pilai?  
Yu laik go long wanem  
hap tru?**

### Wantok...

Yu no ken wari tumas long ol dispela askim. Talair i gat save tru long dispela samting. Larim Talair i ken helpim yu—na bai yumi amamas wantaim!


Sapos yu laik bosim balus bilong yu yet, i orait tu. Talair i gat kain kain balus yu ken chata. Em i chata bilong yu yet. Taim yu laik redi—balus bai i go. Yu yet ken makim taim bilong balus i ken i go.

Sapos yu laik go long balus long ron Talair i makim pinis, i orait tu—laik bilong yu!

I gat kain kain balus bilong baim-sampela

bilong karim faivpela man, sampela bilong karim nainpela na sampela bilong karim wanpela ten nain man.

Kam lukim mi pastaim na toksave. Em ol balus bilong Papua Niugini tru. Ol dispela balus i save go long olgeta ples bilong Papua Niugini, maski em i liklik ples o nogat. Sapos ples balus i stap—mi inap! opis bilong Talair i stap long olgeta taun-bilong Papua Niugini.



TRAIM TALAIR—EM I LAIN BALUS BILONG YU NA PAPUA NIUGINI STRET

**TALAIR**

PTY.LTD.

TSO102

## Somare givim gutpela toktok

Namba Wan Minista, Mista Somare i bin tokim ol Distrik Komisina long ol i mas wok hat wantaim avman ofisa bilong ol long bringim ol pipel i um klostu long gavman long ol pasin bilong se- is na sindaun.

Em i tok ol i mas mekim ol gavman ofisa long ivim gutpela helpim, tingting na soim stretpela ot long ol pipel.

Mista Somare i bin mekim ol dispela toktok ong taim em i opim 1975 kibung bilong ol Dis- trik Komisina long Lae, i no longtaim i go pinis.

Namba Wan Minista i tok ol man bilong pablik evis i mas bihainim gut ol rul o pasin bilong anap strong long wok bilong ol. Ol i no ken aun nabaut long taim bilong wok na bringim ingting nogut long ol pipel.

Em i tok, em i laikim tru bai ol Distrik Kom- ina i mas stap wokman bilong gavman long olgeta amting ol i mekim. Ol i mas givim bel, tingting, a wok bilong ol gavman tasol na helpim ol pipel.

Mista Somare i tok, PNG i mas i stap strong na ung wantaim olsem wanpela kantri. Na ol pipel i as i no ken pilim olsem ol i bilong Hailans, Se- ik o Nu Ailan.

Mista Somare i bin tokim ol tu olsem: Distrik omisina em i maus pis bilong gavman na pipel antaim. Ol i mas tokim o soim ol pipel wanem ol amting gavman i mekim bilong ol pipel na tokim avman ol samting pipel i laikim long developmen. Olsem na ol i mas lukluk gut long wanem samting kamap long distrik bilong ol na stretim.

## Pawa bilong ol meri Hailans

Ol meri i kam olsem long hap bilong Asaro Watabung long Goroka i bin kisim pinis samting olsem K6,600 long wan- pela kain pawa ol i kolim Wok Maria.

Dispela nem Wok Maria em ol meri yet wantaim wanpela man bilong ples Korepa, Mista Ekahanimo Gia, i bin kirapim long bipo. Ol meri i laik opim ai bilong olgeta meri bilong P.N.G.

Ol i bin kirapim dis- pela samting long wanem ol meri i ting olsem ol man bilong ol i save giamanim ol oltaim long givim mani long ol. Na ol i save go spak tasol. Na bihain bai ol i no gat mani tru long baim kaunsil takis, skul fi na ol bilas samting bi- long ol meri napikini- ni, kaikai, na ol ara- pela samting bilong ol famili bilong ol.


Long namba 26 de bi-


long las mun, ol lain meri hia i bin putim wanpela kain so o sere- moni long Korepa, na i soim ol pipel ol kain kain wok na pilai em ol i save mekim na kisim mani long en oltaim.

Oltaim, taim ol meri i pinisim pinis olgeta wok bilong ol, ol i sa- ve go pas long rot na ol i save holim ol kain kain sain na sanap i stap wetim ol man i kam.


Taim ol man i kam na lukim ol meri na lap long ol o mekim ol sam- pela kain tok nogut i go long ol, ol meri bin i stat long kisim 20t, 50t, o K1 long ol man, olsem takis long baim hatwok bilong ol.

Long hap bilong Ung- gai, ol meri i save harim kot bilong ol man i save bagarapim o i no save lukautim gut ol famili bilong ol, na i jasim ol long dispela.



YAMAHA




DT100B




RS100




GT80B




**ELA**  
MOTORS LIMITED




A member of  
**Burns  
Philp**  
GROUP OF COMPANIES



**YAMAHA**


YAMAHA


≠ KING FEATURES SYNDICATE ≠



CROSSING THE PIRANHA RIVER--



DISPELA PLES EDEN, NAU MI LUKIM LONG AI, BILONG MI YET: EM I ARAKAIN TRU TRU...



I wankain long dispela bikpela man long Kaluga.

GUTBAI NAU

Em i Man tru?


TALK BARRY 12/8



GUTBAI LONG PAPA BILONG EDEN

Bikpela em i man tru?

Yes, Reks



Em i stap we ?

Long Kaluga. Nau mipela i go long em.


TALK BARRY 12/9



Mi ken go wantaim ?

Nogat

CONT'D



Plis, smolpapa mi laik go wantaim yu na lukim bikpela man.

I no ken, Reks. Yu stap hia wantaim Mis Taga

\* FOR "THE GHOST WHO WALKS" -- IN THE DEEP WOODS.



I tru, yu laik go lukim bikpela man?


Yesa, Guran.

TALK BARRY 12/11



Mipela laik go wantaim.

Nogat. Mi wanpela tasol i go.



WANPELA DUA HAIT BILONG BIKBUS

Mi laik go wantaim long Kaluga, na bungim bikpela man na win long em.



Yu ken kam wantaim; i laik bilong yu.



Mi kam.

TALK BARRY 12/12

# Ol het ofisa bilong 1,144 Sister long PNG na Britis Solomons



Dispela poto hia i soim ol etpela het ofisa bilong Papua Niugini Yunion long olgeta Sister bilong Papua Niugini, na Britis Solomons, em ol i stap insait long dispela kibung bilong ol i kamap long Mendi.

Paślin: Kirap long lephan na i go long raithan yumi lukim Sister Catherine Arumu, vais presiden; Sister Margaret Ani, namba tu seketeri; Sister Margaret Shankshaft, tokmeri; na Sister Cecily Daot, tresera.

Bihain: Stat long lephan na i go long raithan yumi lukim Sister Bernadette Kae, tokmeri; Sister Christel, seketeri; Sister Veronika Lawen, namba tu tresera; na Sister Annata Holohan, em i presiden bilong ol.

Long mun i go pinis, 9-pela het ofisa bilong Papua Niugini Yunion bilong olgeta Sister bilong Papua Niugini, na Britis Solomons, i bin bung long Mendi na holim wampela kibung bilong ol.

Ol dispela het ofisa hia i bosim 1,144 sister olgeta insait long Papua Niugini, na Britis Solomons. Na long dispela, 460 sister ol i lokal meri tasol.

Bikpela samting tru ol sister i bin paitim toktok long en, em long givim moa moa edukesen i go long olgeta lokal sister, bambai ol i kisim bikpela save tru.

Na tu, i bin i gat 4-pela arapela bikpela samting ol i bin toktok long wok bilong ol sister long Papua Niugini, na Britis Solomons tu.

Narapela kibung bai i kamap long Septemba.

## Plis kisim sevis buk

Het Plisman long Lae sta Sam Nuakona i bin pesenim 3-pela plisman long sevis buk long wam ol i pinistaim nau. Tripela man hia em long Mista Mathias Degemba, Mista Maias Molang na Mista Toyan Imalo.

Mista Degemba i gat 30 krismas. Em i join long Plis Fos long mun April, 1954 na em i wok inap 21 yia olgeta. Em i marit na i gat 6-pela ikinini. Mista Degemba kam long Kundiawa vies. Em i bin wok long oroka, Kainantu, Henanofi, Wanmara na Lae.

Mista Momiang i gat 30 krismas. Em i join long Plis Fos long yia 1953 na em i wok inap long 22 yia. Em i marit na i gat 8-pela pikinini. Mista Momiang i kam long Kaiapit insait long Morobe Distrik. Em

i bin wok long Goroka, Kundiawa, Chimbu, Kainantu, Aitape, na Lae.

Mista Bimalo i gat 43 krismas. Em i join long Plis Fos long mun Februeri 1955 na em i wok inap 20 yia. Em i kam long Ee Viles long Lae. Em i marit na i gat 9-pela pikinini. Em i bin wok long Sohano, Boku, Buin, Lae, Madang na Simba.

Em hia 3-pela narapela plisman gen ol i bin kisim sta long sevis buk bilong Plis Fos. Tasol ol 3-pela hia i no pinis yet. Ol 3-pela hia em long Mista Seribu Mainad i wok inap 20 yia. Na em i bilong Finschhafen. Mista Anton Saragum i wok inap 20 yia. Em i kam long Madang. Na Mista Leo Sigai i wok inap 10-pela yia. Na em i kam long Manus Distrik.

## Nupela rais masin

Dipatmen bilong Wok Didiman i baim 9-pela nupela kainmasin bilong klinim rais, kain ya i gat wil na yu ken pulim i go long olgeta ples.

Nainpela wantaimi bin kostim K13,500 na i kam

long Wewak Transpot.

Wan wan masin inap long klinim 700 inap 1000 paun rais i kamap waitpela inap wan aua.

Tupela masin bai long hap bilong Rabaul, tupela long Morobe na tripela long Beremba.

## BAIM WANTOK

Sapos yu wampela yu laik kisim WANTOK i kam long yu stret, orait yu salim dispela tiket i kam;

Mi laik kisim WANTOK niuspepa inap wan yia olgeta. Nau mi salim K5 (\$5.00) i kam;

Nem: .....

Adres: .....

Salim i kam long:

WANTOK - P.O. BOX 396 - WEWAK

# SAMPELA MERI BILONG PNG I WINIM NAMBA PINIS



MISIS DIBURA MARO

Em i save tokim Namba Wan Minista o Gavman; laik, wari na tingting bilong ol meri.



MISIS ROSA TOKIEL:

Presiden bilong Nilai Ra Warden Asosiesen long Rabaul. Em i gat bikpela pawa namel long ol meri.



MIS CHRISTINE KOWOR

Em i bin wok long Redio Is Sepik. Nau em i save harim kot o mekim wok bilong mejistreit.



MIS MEG TAYLOR

Namba wan PNG meri lor Kamap Loia. Em i ga bikpela wok long of: bilong Namba Wah Minist



Meri hia long han kais, em i Mis Hannah Makara. Na em wanpela sumatin long Port Moresby Sekterial o kuskus skul.

~~~~~  
Meri long han sut, em i SISTA SUSAN TAMARUA. Bin pinisim ol bikpela skul marasin long Port Moresby na Australia.



DAUNBILO: Long han kais;. Tupela yangpela meri tisa hia, Mis Pia Kila na Mis Agnes Keke i bin i go long bikpela skul long Kenbera long Australia.

Na long han sut; Tupela narapela meri bilon Turis Bot, Mis Bonnie Kinder na Mis Naomi Tarain gal i bin soim ol samting bilong PNG long Sidini

